



大唐郊祀錄卷第七

祀禮四

祀風師

祀雨師雷師

祀電星

祀司中司命司人司祿

祀五龍

祀馬祖享先牧祭馬社馬步

祀風師



立春後丑日記風師於國城東北

臣涇案舊禮皆隨其類

舊誤數依隋志正

而祭風師於西

方取秋風之勁而不從箕星位漢以景戌日記風伯於戌地隋志制以國城東北七里通化門外為風師壇祀以立春後丑日也

設風師神位於壇上

案周禮大宗伯云以禋燎祀風師鄭注風師箕也

又鄭注小宗伯小祀風師是也皇唐開元禮亦曰小祀天寶四年為中祀聖朝沿革今為恆典是也

其壇長安在通化門外十三里澆水東道南

其壇本在通化門外道北二里近苑牆貞元三年閏五月二十一日今上以宮城喧呼又近章敬佛寺恐神靈不安詔有司於水東擇地移之至七月二十一日遣太常少卿裴郁以脯醢之饌先告之於舊壇後乃移於今所修恆祀也

洛陽在建春門外六里道北一里其壇高三尺週迴二十三步右藉神席以莞幣用白色其牲俎籩豆多少已具凡例中

靈星以下皆如之

其陳樽坩奠獻之數准開元禮令與司中等同後為昇在中祀今並准日月座例

雷師雨師並皆准此

祝文維某年歲次月朔日子嗣天子某

案開元禮是小祀其祝舊誤祀舊誤版不進署因昇位後

御署焉有司差攝太尉行事祀雨師亦准此也

謹遣攝太尉封臣姓名敢昭薦于風師惟神德被含

生開動振發十字一本從通典作惟神功施二字造

封城作某

化實彰祀典謹以制幣犧齊菜盛庶品明薦于神尚饗

案開元禮凡帝社以上合至尊親祭而使有司攝者其祝版皆祀前一作請御署訖皇帝北面再拜侍

臣一作奉出分付所司其風師雨師自昇在中祀

但親署無再拜及德宗在位虔修祀事貞元二年

四月二十三日問禮官其版署訖合再拜否太常

博士陸澹奏曰以本是小祀准禮又無親祭之文

今雖御署檢詳經據無再拜禮詔曰風師雨師自

昇為中祀有烈祖成命况在風雨時事二字舊誤師至依冊

府元切蒼生禮雖舊誤隨依冊府正無文朕當屈再拜以

樂章

案開元禮無樂章因昇為中祀仍用登歌一部天

寶已來常借天帝樂章用之舊德宗當作今上在位貞

元四年五月十八日太常卿董晉奏請補其闕至

六年五月十四日詔令秘書監包佶補之雨師雷

師並准此是也

迎神

太皞御氣勾芒肇功蒼龍青旗爰候祥風律以和應

神以感通鼎俎修享時惟樂崇

奠幣登歌奏肅和

玄酒告潔青蘋應候禮陳瑤幣樂獻舊誤秋依全唐詩正金奏

揮絃自昔解凍惟舊仰瞻肝蠻羣祥來湊

迎俎酌獻奏雍和

德威昭臨迎祥翼方爰候發生式薦馨香醴酌具舉

工歌載揚神歌六舊誤入依全唐詩正律恩降百祥

張云樂府作神歌入律全唐詩未可據

享郭作饗樂賦作禮

玄賦作旨

亞獻終獻奏凱安

管籥備玉帛陳風動物樂感神三獻終百福臻草木

榮天下

送神

微穆敷華能應節飄揚發彩宜行慶送迎靈駕神心

饗登拜靈壇禮容盛氣和草木發萌芽德暢禽魚遂

翔泳永望翠蓋逐流雲自茲率土調春令自祝文振發二字至

此一本錯在雨師樂章樂罷餘聲遙可聞之後

祀雨師雷師

立夏後申日祀雨師於國城西南

臣涇案舊禮隨類而祭之祀雨師於北郊就水位

也漢以己丑日祀雨師於丑地晉梁陳後齊皆從

祀于郊丘隋制壇于國城西南八里金光門外以

立夏後申日皇朝因之也

設雨師于壇上

案周禮大宗伯云以禋燎祀雨師鄭注云雨師畢

也

又設雷神位于雨師座之西俱南向

郊邱臧作北郊

于上臧有位字

神臧作師

案穀梁傳六

梁字舊脫今補按今穀梁傳無陰陽此文惟太平御覽所引有之

相薄感而為雷擊而為電

御覽及淮南天文訓並作激而為靈左傳疏作

擊開元禮無此座至天寶五載四月二十八日詔

下有司今以後祀雨師兼祭雷神同壇共舊誤其依文獻

通致牲別置祭器今禮同之也

其壇長安在金光門外一里半道南洛陽在苑中二

一本麗景門內壇制高三尺週迴十六步

案江都禮論六宗據陳舒議同是乾坤六子而震為男之長雷雨作而草木皆甲坼此之羣祀大於

臧作此知

邱陵邱陵猶列祀典而况於雷天地之貴氣乎今

宜祀雷為六宗長也

右設樽坫之法皆於神座之右而北向其餘沿革並

具上文

祝文

雨師

首同風師例

惟神時惟正陽品物方茂式武資膏潤敬修常祀謹

以制幣犧齊粢盛庶品明薦于神尚饗

明字依通典補

雷師

首同上例

惟神殷發三春震開萬物禮存報德式備恆興

尾亦准上

樂章

秘書監包佶奉詔撰

迎神

陟降左右誠達幽玄作解之功實惟有年雲輶舊誤屏依

全唐庚止灑霧飄煙惟馨展禮爰列豆籩

奠幣登歌奏肅和

歲正朱明禮布玄制惟樂能感與神合契陰霧一作

離披雲馭搖裔膏澤之慶期於稔歲

迎俎酌獻奏雍和

陽開幽蟄躬奉鬱鬯禮備節應震來靈降動植求聲

飛沈允舊誤永依全唐詩正望時康氣茂惟神之貺

亞獻終獻奏凱安

奠既備獻將終神行令瑞氣空舊誤宮依全唐詩正迎乾德祈

歲功乘燦一作燎儼全唐詩正從風

氣賦作七

樂府作煙

送神

整駕升車望寥廓垂陰薦祉蕩昏氛享時靈既俊如

在樂罷餘聲遙可聞

自祀雨師雷師至此一本錯在五龍樂章懸知此地是神仙之後

飲福陳誠禮容備徹豆終獻曙光分跪拜臨壇結

空想年年應節候油雲

二字舊誤神種依全唐詩正

祀靈星

立秋後辰日祀靈星於國城東南

臣涇案五經通義云王者因郊祀祭星辰所以復

祭靈星者何靈星謂五星主

舊誤為民祈時種五

穀故王者別報其功以仲秋八月祭之詩有靈星

篇

詩舊誤時按此謂絲衣篇也詩序云絲衣繹賓尸也高子曰靈星之詩也

是故祭之

以尸也祭之東南就歲星位也歲星者五星之始

也最尊故就其位耳漢興高帝詔御史令天下立

靈星祠於城南後齊以從祀於南郊不特置壇隋

制於國城東南七里延興

舊誤舊依六

門外為

舊靈星壇立秋後辰日命有司祠以一少牢國朝

令典皆於京師東南置壇祀之承五經通義也肅

宗上元元年詔以年荒禮殺小祀一切權停因此

久而不修也德宗當作今上在位太常卿崔縱奏請准
開元禮復祀貞元六年二月十七日詔從之二字依司

中例也補入

設靈星位於壇上近北南向其壇長安在春明自雨師樂

章飲福陳誠禮容備至此一本門外二里道南洛陽

錯在風師祝文畢位二字之後在永通門外二里道南壇高三尺週迴八步四尺右

用象樽二

實以醖齊上樽實上玄酒也

置於坵有幣無樂一獻而止

祝文維某年歲次月朔日子嗣天子某謹遣某官位

臣姓名敢昭薦于靈星惟神九穀方成三時不害憑

茲多祐舊誤祐依通典正介其農穡舊誤色依通典正謹以制幣犧

齊菜盛庶品明薦于神尚饗

祀司中司命司人司祿

立冬後亥日於國城西北

臣涇案周禮大宗伯云以舊脫按風師雨師禋燎

祀司中司命又小宗伯云若祭天之司民司祿而

獻民數穀數則受而藏之鄭注云司中司命文昌

第四第五星也司人按唐避諱以司民為司人今此注引經文作司民引鄭注

則改為司人下文亦民人二字錯出蓋後人所亂致不畫一軒轅角星也司祿

文昌第六星也穀既登乃後舊誤復依春官天府注正祭此二

星也以孟冬既祭舊又衍一祭字而上民穀之數於天

府今故用立冬後亥日祀之案舊禮隨其類北司

命於南郊以天神是陽耳晉成帝咸康八年於覆

舟山南郊從祀之梁陳後齊皆秩於郊丘隋制司

中司命司祿三壇同壇祠於國城西北亥地聖朝

因而不易又加司人神座同壇而祀之至上元元

年有詔權停祭祀事德宗當作今上在位太常卿崔舊

曾依靈星篇及玉海正縱請准開元禮復祀貞元六年二月

十七日詔從之也

設司中司命司人司祿神座於壇上近北南向以西

為上齊列之其壇長安在光化門外二里道北洛陽

在徽安門外七里其制高三尺週迴二十二步右設

象樽二於壇上東西隅北向皆有坫以西為上

所實准靈星也

祝文

首同靈星

司中時屬安甯億兆康乂舊誤義依用率常禮報茲

社福

司命云賴茲正直黎庶康甯資此良辰用申恆舊

神一誤祀禮司人云星紀已周兆庶甯阜備茲舊

告舊誤吉依式薦馨香司祿云玄英紀時歲事一作

律云畢律遵典故修其恆禮

臧作或遵

謹以制幣犧齊菜盛庶品明薦于神尚饗自靈星篇

至此一本錯五在五龍篇注

中坊南人望氣者以之後

祭五龍壇

仲春祭于興慶宮

臣涇案古禮無此祠皇朝制之興慶宮即今勤政

樓之南是其地本隆慶坊玄宗潛龍之日宅於此

馬後漸變為池坊南二字人望氣者以自祭五龍

本錯在馬步祝文敬修恆禮也之後言無之及玄宗正位以宅為

宮池水逾大彌漫數里至開元十六年置堂又兼

置壇仲春月則令有司祭之用仲春者案易震為

龍震者東方春用事於二月也其年二月上親行

事感紫雲鬱起曲如蓋自後每年常祭至上元元
年閏四月十九日權停中祠因此廢祭至貞元七
年春詔令復祭之也

設五龍位於壇上近北南向其壇在勤政樓東道通

臧作五尺疑亦謫蓋當云
廣五成成高五尺廣五尺

陽門入內宮其制舊誤廣五成成高五丈此七字
疑有誤右

藉神之席皆以莞幣隨座色牲用少牢每座各設散

樽二

樽加勺幕有坫以置爵其實以醴齊上樽其實以

玄酒也

於神座之左其樂用判懸十架

東西各五架其儀已具凡例中也

又設歌鍾歌磬於壇上如式其舞以舞童十二人為

列八字舊誤以舞十二為列童子今依凡例正服五依凡
倒補色

紗雲衣戴芙蓉冠足依凡跣無履四人執金蓮花引

自上注中言之二字至此一本錯簡舞其樂一奏五

遍

祝文維某年歲次月朔日子嗣天子謹三字依馬
祖例補遣

某一作官臣一無姓名敢一無昭告疑當作薦後凡
言昭告字并同

于青龍之神惟神行雲施雨發生東方降澤効靈品
物咸亨

赤龍云惟神配德正陽澤被庶物興雲致雨應時

罔愆二字舊誤往僭一誤往潛蓋罔往音近黃龍

云天用之尊舊誤樽今正按天用其尊如龍德施周

溥鑒于誠享保合太和白龍云惟神秉茲兌澤以

悦品彙式應顯氣克祐西成黑龍云惟神佐予疑

誤玄冥實司坎德茂昭庶物以又疑有嘉薦

爰以仲春祇用制幣犧齊粢盛庶品明薦于神尚饗

自舞其樂一奏五遍至此舊本脫一本
有之而錯在馬祖篇其制高三尺之後

樂章
十首

第一首

紫微令姚元崇奉詔撰

恭聞帝里生靈沼應報明君鼎業新既叶翠泉光寶

命還符白水出真人此時舜海潛龍躍此地堯河帶

舊誤滯依全唐詩正舊志
此句作北地堯河帶馬巡馬巡獨有前池一小雁叨

承舊惠入天津

文粹治作社

文粹作此日堯池帶馬巡
前池作前河

第二首

左一作拾遺蔡孚

文粹靈龜作潛龍

帝宅王家大道邊
神馬靈龜湧聖泉
昔日昔時經此地
看來看去漸成川
歌亭一本作庭全舞榭宜正月
柳岸梅洲勝往年
莫言波上春雲少
祇為從龍直上天

文粹言作疑從龍作龍飛

第三首

太府少卿沈佺期

文粹先作光黃作皇

龍池躍龍龍已飛
龍德先天天不違
池開天漢分黃

道龍向

一作自全唐詩作向

天門入紫微
邸第樓臺多氣色
君

張云上地未必誤樂府文粹均此上地

王鳧雁有光輝
為報寰中百川水
來朝上帝二字舊志誤作

上地全唐詩作此地莫東歸

第四首

黃門侍郎盧懷慎

文粹澄漪作泉清

岱一作邨東南龍躍泉
澄漪碧浪遠浮天
樓臺影就

波中出日月光疑鏡
裡懸雁沼迴流成舊誤乘依全唐詩正舜

海龜書薦祉
應堯年大川既濟
慙為楫報德空思奉

細涓

第五首

殿中監姜皎

文粹出此作此出

龍池初出此龍山嘗經此地謁龍顏日月芙蓉生夏

張云舊志樂府並作煙並作舜海漁舟尚往還又並作雲

水年年楊柳變春灣堯壇寶匣餘煙舊誤燦依全唐詩正霧舜

澤漁洲尚往還此句舊誤舜澤漁洲上往還今願似

飄飄五雲舊誤彩依全唐詩正影從來從去九天間

第六首

吏部尚書崔日用

張云舊志樂府並作乘

龍飛白水漢興符聖主時昇全唐詩作乘運斗樞岸上芊

五文粹作發

葦五花樹波中的爍千金珠操環昔聞迎夏啟玉匣

先來瑞有虞舊誤餘依全唐詩正風色雲光隨隱舊誤影依舊志正見

赤雲舊誤壁依舊志及全唐詩正神化象江湖

第七首

紫微侍郎蘇頲

文粹作休

西京鳳邸躍龍泉佳舊誤往一誤德依舊志全唐詩正氣神光鎮在

天軒后霧圖今已得秦王水劍昔嘗傳恩魚不似昆

明釣瑞鶴長如太液仙願侍舊誤得依全唐詩正巡遊同舊里

更聞簫鼓濟樓船

樂府舊志並不誤

第八首

黃門侍郎李义

舊誤義依舊志玉海全唐詩正一本校作李義府非

星分邑里四人居

舊誤屋依全唐詩正

水游

舊誤游依全唐詩正

源流萬

項餘魏國君王稱象處晉家藩邸化龍初青蒲似暫

游梁

四字舊誤已擊從長一誤已擊從良今

鳥綠藻

還疑

二字舊誤疑游依全唐詩正

宴鎬魚自有神靈

舊誤光依全唐詩正

滋

液地年年雲物

舊誤助依全唐詩正

史官書

第九首

工部尚書姜晞

尚書舊志作侍郎

靈沼縈洄邸第前浴日含春寫曙天始見樓臺升鳳

闕應知霄漢起神泉石匱渚旁還啟聖桃水源初

一作

裏全唐詩作桃李初生

更有仙欲記帝圖從

舊誤傳依全唐詩正

此受正

同河變一千年

第十首

兵部侍郎裴瓘

一作瓘舊志作兵部郎中裴瓘玉海作裴准

乾坤啟聖吐龍泉水年年勝一年始看魚躍方成海

即覩龍飛

二字舊倒依志全唐詩正

利在天洲渚邊將銀漢接

樓臺直共

二字一作真共舊志作直與

紫微連休氣榮光恆不散

懸知此地是神仙一本樂章十首連上祀文並錯入馬祖篇

祀馬祖享先牧祭馬社馬步

仲春祀馬祖仲夏享先牧仲秋祭馬社仲冬祭馬步

臣涇案周禮校人掌六馬之屬校人舊誤牧人春祭馬祖

繫駒注云馬舊脫祖天駟也孝經說云房為龍馬又

曰夏享先牧注云始三字舊脫養馬者其人未聞又曰

秋祭馬社注云始乘馬者世本曰相上作乘馬也

又曰冬祭馬步注云馬步為神為災害馬者言誤馬步

謂災害其為之神者一誤馬步謂除其災害之神也依校人注正隋制依周官常

以四時仲月揮六典作剛對日祭於大澤皇朝因之也

共在一壇各隨本時設位而祀之其神座皆南向自祀

馬祖至此一本誤錯在司中祀文後其壇長安在金光門外四里灋水

西道北龍臺澤中洛陽在麗景門外其制高三尺十三

二字舊脫一本有之連上文錯入司中篇週迴九步右所陳樽俎並准靈

星倒十四字舊本錯在五龍篇蓮花引之後祀馬祖

用燔燎之禮享先牧祭馬社馬步皆行瘞埋之法

祝文維某年歲次月朔日子嗣天子謹遣

先牧馬社馬步云皇帝謹遣

四下賦有十字

具官臣姓名敢昭告于馬神祖天駟之神爰以季三
字
依通典補春游牝于牡祇用制幣犧齊粢盛庶品明薦于
馬祖天駟之神尚饗

先牧云惟神肇開牧養厥利無窮式用班馬爰以
制幣齊盛云云馬社云惟神肇教人乘用賴于今
式因肆僕敬修彝典爰以制幣云云馬步云惟神
為國所重在于閑牧神其屏茲凶慝使無有災式

因獻校二字舊誤秋收一敬修恆禮也
誤秋枝依通典正

大唐郊祀錄卷第七

大唐郊祀錄卷八

祭禮一禮舊誤祀
依凡例正

夏至祭皇地祇

立冬祭神州地祇

祭太社太稷

祭岳鎮海瀆

夏至祭皇地祇

夫祭地之禮其來尚矣王者以體元立教建國承家
報本之功莫大於此故宗伯有地祇之號司樂列方

岳之名及戰國凌夷雅道攸廢漢文之初方興渭陽之祀成帝在位乃修北郊之儀魏晉之間互相異論王鄭之學各為所宗宋齊相沿未之或改隋氏既平區夏都邑是營郊丘之文粗為約制及我唐受命創修禮度百物惟新郊祀典章由而大備謹案開元禮祭地之儀一歲有二

行臧作所下同

臣涇案鄭玄云祭地有二者一是大地崑崙為皇地祇則宗伯黃琮行祭者一是帝王封圻之內謂之神州則兩圭有邸行祭者又曲禮舊衍玄字一衍鄭玄二字

云天子祭天地孔穎達正義云祭地神有二謂夏至之日祭崑崙神於方澤一也夏至舊誤夏至一禮疏之月祭神州於北郊二也故今禮祭地之法一歲有二焉

一曰夏至祭皇地祇於方丘

案周人夏至之日祭地之法先於澤中立方丘除地為壇壝土為宮埽地而祭行謂禮器云因下以事地也皇大主地之神此句疑有脫誤或云皇者美稱又歷代尊神之號亦不同周曰地祇漢曰后土又周

官大封則旅上帝告后土傳曰君履后土意亦義
一而名異耳王肅議曰后地之祇辛毗蔣濟議曰
皇地之祇晉曰皇皇后地宋齊梁陳曰后土之神
北舊誤齊曰崑崙皇地祇後周曰地祇隋曰皇地
祇國朝因之以為恆典
以太祖景皇帝配座

案開元禮以高祖神堯大聖大光孝皇帝配座永
泰二年詔改之孔子鈞命決以釋孝經云后稷為
天地主故我國家奉太祖景皇帝配神祇是之義

也此句疑漢文初祭地祇於渭陽以高帝配武帝

立后土亦高帝配此漢氏以太祖兼配天地至哀

平之間王莽引周禮享先妣為配北郊夏至以高
后配地自莽始矣及光武中元元年十月使司空

魴告祠高皇帝廟請改以薄后配地代高后也魏

以武宣卞舊誤百依皇后配晉以宣舊誤皇依穆

皇后配後又以張后配先儒袁准陳舒徐乾議皆

以天地至尊無配宋初永初三年舊誤永和九年

尚書八座議以武敬皇后配地臣以古來娥英姜

如盛德之妃未有配食於郊之禮歷代一作世非失之甚矣隋氏以太祖皇帝配皇朝亦如之可謂得禮之正也

其從祀總六十八座壇之第一等祭神州地祇於東南方舊衍之字又祀五岳四鎮四海四瀆五山五林五川五澤五邱五陵五墳五行五原五隰於內壇之外各依方面俱內向

案晉賀循云漢武祭地於河東汾陰一壇之上尊卑雜位亦有五百神去聖久遠先代損益不同皆

無顯據疑非古聖埽地之意未委魏晉增損之故今宜承舊制一宜從省又庾蔚之議堯典曰望秩山川徧于羣神是總統之言周禮典瑞云四圭有邸以祭天旅上帝兩圭有邸以祀地旅四望鄭玄以例而推則委上帝天之次神是為五帝也四望地之次神亦五岳四鎮四海四瀆也又太宗伯云國有大故則旅上帝及四望有故祈請難及天地尊神故止于上帝四望而已又博士陳舒云山澤墳衍皆望祭所一作營也今園丘有五方上帝以

下從祀方丘有岳鎮以下從祀聖朝典制得禮之宜也

其壇長安在宮城北四里洛陽在徽安門外道東一里其丘八角三成每等高四尺上闊十六步設八陛上陛廣八尺中陛廣一丈下陛廣一丈二尺其壇再成下成方十丈上成方五丈八陛

案漢制北郊方壇四陛於城北四里晉賀循采東漢之制而用之梁制方壇北郊上方十丈下方十丈高一丈四面各有陛陳制北郊為壇高一丈

五寸依隋志補後周之制方丘在國陰六里之郊丘二

成八角下崇一丈方五字依隋志補六丈八尺上崇五尺

方四丈方一階尺一級其壇舊誤壇依隋志正八面徑百

二十步內壇二字依隋志補半之北齊方澤為壇於國北

郊廣輪四十尺高四丈舊誤尺依隋志正面各一陛其外

為三壇隋制於城北十四里其丘再成成高五尺下成方十丈上成方五丈皇唐因之此蓋因下事

地之義也

右設正座及神州席以藁秸配帝以下配字及以下二字並依通

典補皆以莞今制神州以上三位並加袞褥禮神之玉
正座以黃琮其幣以黃配座亦如之神州玉以兩圭
有卣其幣以玄五方岳鎮以下幣各隨方色五座設
太樽著樽犧樽山壘各二在壇上東南隅北向象樽
壺樽山壘各二在壇下皆於南陛之東北向俱西上
其所舊誤實五齊三酒並與圜丘同也

配座設著樽犧樽象樽山壘各二在壇上皆於正座
酒樽之東北向西上

其實如圜丘配座之禮

神州設太樽二

實以泛齊

岳鎮海瀆座各山樽二

實以醞齊

山林川澤座各蜃樽二

實以沈齊

邱陵墳衍原隰座各槩樽二

實以清酒

右樽各設於神座之左而右向

神州以上之樽置於北以下之樽俱藉以席皆加
勺罍設爵於樽下也

正座祝文維某年歲次月朔日子嗣天子臣某敢昭
薦于皇地祇乾道運行日躔北至景風應序離氣効

舊誤郊依
通典正

時嘉承至和肅若舊典謹以玉帛犧齊粢

盛庶品備茲祇瘞式表誠懇太祖景皇帝配神作主

尚饗

配座祝文維某年歲次月朔日子孝曾孫

二字依圖
丘例補

皇帝臣某敢昭薦于太祖景皇帝時惟夏至肅恭

二字

舊誤蕭莽一誤
蕭茅依通典正

訓典用祇祭于皇地祇惟太祖德叶

二儀道兼三統禮膺光配敢率舊章謹以制幣犧齊

粢盛庶品式陳明薦侑神作主尚饗

樂章

太常少卿賀知章奉詔撰

降神奏順和之舞八變林鍾宮太簇角姑洗徵南呂

羽各二奏

至哉含柔德萬物資以生恆順稱厚載流謙通變盈

聖心事能察增廣陳厥誠皇祇儉如在太折析永貞

文粹作黃祇儉女在泰折
侯咸亨 舊志樂府作侯
咸亨

蜡祭降神第三第四第五奏詞曰此也

登歌奏肅和無射羽

皇祇是祇我其夙夜寅畏誠潔匪違甯舍禮以琮玉

舊誤崇玉薦厥茅藉念茲降康胡甯克暇

送神

侍中源乾曜撰

靈具醉杳熙熙靈將往眇禋禋顧明德懷正詞爛遣

光流禎祺

立冬後祭神州地祇於北郊

文粹作黃

臣涇案三禮義宗云神州者王所居吉舊誤立依

土之神也故禹受地統書五字舊誤禹受統書四

曰崑崙東南地方五千里名曰神州又曰崑崙四

面有州今神州是一州也其祭之法唯古禮用夏

正祭之漢光武亦用夏正隋用孟冬國朝武德以

來禮令皆用十月郝處俊議云十月祭者以陰用

事故以此時祭之祀于北郊祭于太折故祭法云

瘞埋於太折祭地也鈞命決云祭地北郊就陰位

也大唐前禮立神州之祀後廢之開元禮復依前

禮為定至今以為恒祭也

高祖神堯大聖大光孝皇帝配座

案開元禮以太宗配至永泰二年詔改之

其壇長安在光化門外黑帝壇西洛陽在徽安門外
道東一里其制高三尺週迴四十八步

案後周制神州之壇崇一丈方四丈在北郊之右

隋氏無明文也

右設正座席以橐栝配帝以莞今制並加玄得褥玉
兩圭有邸幣用玄其設樽酒之數一如皇地祇正配

之儀

正座祝文維某年歲次月朔日子嗣天子臣某敢昭
薦于神州地祇惟祇包涵區夏載植羣生溥被域中
賴茲厚德式遵彝典揀此元辰謹以玉帛犧齊菜盛
庶品明獻厥誠備茲禋祀高祖神堯大聖大光孝皇
帝配神作主尚饗

配帝祝文維某年歲次月朔日子孝曾孫皇帝臣某
敢昭薦于高祖神堯大聖大光孝皇帝今月嘉時祇
依恒禮用致瘞祭于神州地祇惟高祖叶彼乾坤格

于上下昭配之儀欽率典常謹以制幣犧齊粢盛庶
品虔恭明薦作主侑神尚饗

樂章

太府卿蕭愷撰

降神奏順和之舞八變

如地祇

黃與厚載赤寰歸德含育九區保安萬國誠敬無怠

禮舊誤禮依舊志正祀有則樂以迎神其儀不忒

登歌奏肅和無射羽

大矣坤儀至哉神縣包含日域牢籠月竈露潔三清

風調六變皇祇屆舊誤廟依舊志正止式歆恭薦

送神

神州陰祀洪恩廣濟草樹沾和飛沈沐舊誤休依舊志正惠

禮修鼎俎奠歆瑤幣送樂有章靈軒其逝

祭太社太稷

三禮義宗云王者所以立社稷者為萬人求福報功
之道也舊誤云人非土不立非穀不生故孝經云保
其社稷而和其人民但土地廣博不可遍敬五穀衆

張云舊志於降神送神二
詞云太樂舊有此辭不詳
所起於登歌詞云貞觀中
褚良亮作與此不同太社
樂章亦然

多不可遍祭故立社稷別報祭之鄭學之徒則云社稷者土穀之神而以有德者配食

鄭玄以社稷皆是土祇但生性育之功異故有二名勾龍后稷等皆為其官能平其治有大功德故配食焉非是勾龍后稷為社稷之正神

王學之徒則從無別神之義

王肅以社稷者非土祇即勾龍周棄等也以五行之官能平水土有功於人即周后稷及田正之神謂之社稷故左傳云共工氏之子勾龍能平水土

為后土之官祀以為社更無別祭上神之義也

漢初特祀而後有配王莽又請立官社稷舊脫

漢高祖舊衍除亡秦社稷自立漢太社時又立官

社後舊誤大司馬王莽奉漢儀已有官社未立官

稷遂于官社後立官十二字依漢志補稷以禹配社以棄配

稷又司馬彪漢志云建武元年按元年與後漢書本紀合今本續漢

書祭祀志立太社稷二月八月及臘使有司以太

牢祠之漢初劉向賈逵馬融等引左傳生為上公

死為貴神皆祀棄為稷祀勾龍為社二字舊誤以

為社稷四字

鄭玄皆駁之禹配之說莽之議也

魏乃兼修帝社孔晁與劉熹議雖不同

案孔晁劉熹皆魏博士也晁以周典以一社一稷
漢代及魏初皆立一社一稷至景初中乃更立太
社稷又時立帝社咸言依祭法所以言王為羣姓
立社者制令使皆立社非王自立也名誥始立社
牛一羊一豕一無社及祭也又周禮考工記左祖
右社不言稷士師云祭勝二字依秋國之社稷則
為之尸四字依但一尸同壇並祭通祭稷也又熹

舊誤難晁云祭法下云王為羣姓立七祀諸侯自

立為五祀若是使羣姓私立豈得踰於諸侯而祭
七乎又云社大稷小無同壇並坐之義魏鄴都初
立社稷已自如禮其在洛初改二字舊未及故權

仍漢社稷同營併壇共門稷壇在社壇西皆非古
制後又稱疑於宮南作舊誤自堂以禮之矣

晉代因之以為恆式

案晉武太康十年詔曰社一神二位素所不安是
故前欲一社攷案故事相襲來久眾議多不同顧

惟設社舊蓋以報功何必改作便宜仍舊一如魏制也

謹案大唐開元禮仲春仲秋上戊祭太社以后土氏配

臣涇案月令仲春之月擇元日命人社援神契云仲秋穫未報祭社稷此用二仲之文言以近春分秋分前後戊日也晉徐乾議引禮記社稷祭土日用甲用日之始也非戊午社于新邑周公之意不同臣以詳諸祭義戊己是木之本位用戊祭社豈

非臧作與

不可哉况又王者不相襲耳鄭玄說社是五土之神國中之祇莫貴于社土者吐也能吐生萬物長育羣品故謂之社也又祭法云王為羣姓立社曰太社是也左傳云共工氏之子曰句龍為后土之官以有平水土之功故配以社也

祭太稷以后稷氏配

案鄭議稷者原隰之祇是原隰中能生五穀之祇也所以祭之者稷是五穀之長以其土能生此穀故因以名舊誤稷也又援神契云稷者五穀之長

稷是粟舊誤也以其春生秋成得中和之氣又五

穀衆多不可偏名故但立稷舊衍名而祭之亦是

都成功也孝經疑有脫文或是說字云周棄能播

種百穀故祀之為稷也棄者周之先祖昔柱為稷

自夏以前祀之湯以其功祀之故廢而祀棄舊誤

鄭玄云句龍后稷配食於社稷也

其壇在皇城含光門內道西太稷在太社壇之西其

制廣五丈五色土為之稷壇如之社之制又社稷之

上以石為主如鐘形長五尺方二尺刻其上方其下

埋其半以根在土其神座皆北向配居左而東向

案魏秦靜議安社稷處所云周禮右社稷左宗廟

宮門之內夾道也社稷併立于道西稷在社西俱

南向聖朝制禮皆北向者以取陰氣君於墉下答

陰之義也白虎通春秋之義云天子社稷博五丈

諸侯半之天子太社之制東方青南方赤西方白

北方黑冒以黃土南齊崔靈恩云社主以石取堅

實之義國家禮式皆參而制

其社稷四面宮垣華色各依方色面各一屋三門每

門二十四戟四隅皆連飾浮思如廟之制其中樹槐其壇三分宮之一在南無屋

案五經通義云天子太社王社皆有垣者飾也無屋者必受霜露通天地風雨之氣也有樹者以土生萬物莫善於木尚書逸篇云大社惟松東社惟柏南社惟梓西社惟栗北社惟槐今之所植亦土地所宜之木也白虎通云社稷所以有樹者使人望見即敬之又社所以表其功故周禮大司徒班社而樹之是也晉元建武元年所創太社太稷帝

社凡三壇門壇並隨其方色宋齊梁陳皆因之北

齊立太社帝社太稷三壇於國右隋開皇初舊誤

隋志社稷並列於含光門內之右案周禮匠人注

云城隅浮思漢時云東闕浮思以此文參之則浮思者小樓是也言人見此俯仰思念其事若人君外屏之義也

右設神座席皆以莞今制並加玄褥太社太稷俱以兩圭有邸幣用玄右太社太稷各大壘二著樽二山壘二舊誤在壇上西北隅南向

大罍實以醴齊著樽實以盎齊山罍實以清酒案
周禮春官卷人職云凡祭祀社壇用大罍注云大
罍瓦罍也

后土后稷右各設象樽二著樽二山罍二舊誤皆於

正座酒樽之西俱南向東上

實樽如上座之儀也

各置於坫皆加勺罍

爵皆置於樽下

太社祝文維某年歲次月朔日子嗣天子某

案魏侍中高堂隆議周禮祭天地社稷宗廟親自
臨祭有故使大臣攝皆稱諱又秦靜引鄭玄祭社
稷天子稱諱太尉宜稱臣者也

敢昭薦於太社惟神德兼博厚道著方直戴生品物
含弘庶類謹因仲春

秋云仲秋

祇率常禮謹以玉帛一元大武

案晉太常賀循制晉五祭二社文云敢用一元大
武故今禮云

柔毛剛鬣明粢薌合薌其嘉疏嘉薦醴齊備茲禋瘞
用舊誤合依申報本以后土勾龍氏配神作主舊誤

尚饗

后土祝文

合配座

維某年歲次月朔日子皇帝某敢昭薦于后土氏爰

茲仲春

仲秋

厥日惟戊敬修恒事薦于太社惟神功著水土平易

九州昭配之義實惟通典謹以制幣一元大武柔毛
剛鬣明粢薌合薌其嘉疏嘉薦醴齊旅子表位作主
侑神尚饗

太稷祝文維某年歲次月朔日子嗣天子某敢昭薦
于太稷惟神播生百穀首茲八政用而不匱功濟萌
黎謹以玉帛一元大武柔毛剛鬣明粢薌合薌其嘉
疏嘉薦醴齊備修常秋以后稷棄配神作主尚饗嘉疏

二字
今補

后稷祝文

配座首同上文

爰以仲春

仲秋

式棟

舊誤陳依
通典正

吉辰敬修恆禮薦于太稷惟神功叶

稼穡闡修農政允茲從祀用率舊章謹以制幣一元

大武云云

後同后土文尾

樂章

左僕射房玄齡撰

迎神奏順和之舞太簇宮

烈山有子后土用神播種百穀濟育兆人春官輯禮

宗伯司禋戊為吉日迎饗茲辰

舊誤神依
舊志正

登歌奏肅和

后土凝德神功叶契九域

舊誤成依
舊志正

底平兩儀交際

戊期應序陰墉展幣靈車少留俯歆樽桂

送神

告祈式就酬功載畢親地尊天禮文經術

舊誤述依
舊志正

既徵

舊脫一誤茲
依舊志正

令序福流初日神馭爰歸祠官其

張云舊志作告祥樂府作
吉祥疑並誤

出

祭岳鎮海瀆

五岳四鎮四海四瀆每歲一祭各以五郊迎氣日祭之

臣涇案隋禮各依迎氣日致祭皇朝因之禮云天

子祭四方山川歲徧是也又先儒所釋岳者揃舊

福依王制疏正也揃二字依王制疏補諸侯之功德也鎮者安也

能鎮安國境也海者晦也主引穢濁其水黑而晦

也瀆者濁也能洗中國垢濁發源注一作往按爾雅作注海

也

祭東岳岱宗舊誤山依注天齊二字舊倒作齊天蓋

在下致誤今依注文及舊志并翰苑羣書正王於兗州界祭南岳衡山司

天王於衡州界祭中岳嵩山中天王於河南府界祭

西岳華山金天王於華州界祭北岳恆山安天王於

定州界

案孔安國注舜典云岱宗太山為四岳所宗也宋

岳衡山也西岳華山也北岳恆山也古舊誤禮及

開元禮無封王之文玄宗先天二年先天二字舊

誤宣文依舊

志正紀封華山岳神為金天王至開元十三年封太

山為天齊二字一本亦王天寶五載封中舊誤南

紀志岳神為中天王南岳神為司天王七字依舊

正北岳神為安天王至十載正月詔令國子祭酒

嗣吳王祗祭東岳太子家令嗣魯王宇祭南岳祕

書監崔秀祭中岳國子祭酒班景倩祭西岳宗正

少卿李成裕祭北岳取三月十七日一時備禮冊

祭舊衍文字後各條冊祭之下一又案三禮義宗

云岱者代謝之義二字舊誤為茂依春陽用事除

本皆衍文字非也後不悉出

太平御覽引正

故生新萬物更生相代謝也衡者平也夏時萬物

長足而齊平也嵩是高大之稱高高居天下三字

依白虎之中象五行之土德總攝四方也華為文

章也秋物成就皆有文章也恆常也陰陽一終周

而復始是天常道也

祭東鎮沂山東安公舊誤東山公依舊志及冊於沂

州界祭南鎮會稽山永興公於越州界祭西鎮吳山

成德公翰苑羣書於隴州界祭北鎮醫無閭山廣甯

公於營州界

作感德公

案開元禮惟祭四鎮山悉無封公之號天寶十載

詔封霍山為應聖公為五鎮焉

按此注但言封霍山不言封四鎮又

天寶時為五鎮其後何時仍除霍山為四鎮注亦未及疑有脫文

又令嗣道王鍊

祭沂山吳郡太守趙居

舊誤屋依舊志正一本枝改渥非

貞祭會

稽山大理卿

舊志作大理少卿

李禎祭吳山穎王府長史

甘守默祭霍山范陽司馬畢杭

舊志作杭册府祭元龜又作悅

醫無閭山皆取三月十七日一時備禮册祭以申

追封之意一作也

祭東海廣德王於萊州界祭南海廣利王於廣州界

祭西海廣潤王於同州界祭北海廣澤王於河南府

界

案四海封王亦自天寶十載正月詔令太子中允

李隨祭東海義王府長史張九皋

舊志作張九章祭南海

太子中允柳奕祭西海太子洗馬李齊榮祭北海

皆取三月十七日一時備禮册祭亦以申追封之

意一作義

祭東瀆大淮長源公於唐州界祭南瀆大江廣源公

於成都府界祭西瀆大河靈源公於同州界祭北瀆

大濟清源公於河南府界

案四瀆封公亦自天寶十載詔令太子諭德柳湛

舊志作柳湛祭淮瀆衛尉舊誤府依舊志及冊府元龜正少卿李濟舊志

作李祭江瀆京兆少尹舊誤卿依舊志及冊府元龜正韋恆舊志

恆祭河瀆河南少尹豆盧回祭濟瀆亦取三月十

七日一時備禮冊祭至今以為恆典又案三禮義

宗云淮均也能平均布事也江貢也所以引眾水

朝貢於海也河荷也能負荷百川舊誤州一誤里而達於

海也濟即濟也能濟渡萬物齊其二字舊誤各其一依風俗通正一

本校改各具非度量也

岳全補鎮皆為壇而祭之海瀆則為坎而祭之

其坎內亦為壇高一丈四面皆有陞也

神座皆設于壇上近北南向

案近代修廟宇為素像按素像字俗作埭壘古尺用素字此作素蓋猶是唐人舊本元文也一本每遇素字並校加土旁則就

改作埭其實非也後凡素像字皆同不悉出祭之今准禮但設一壇位為圖其形餘推之即可

委也

委也

右籍神席皆以莞其牲幣各隨方色祭器各用酒樽

六神祭法... 其樽皆設于壇上東南隅北向西上

實以醴齊盞齊清酒上樽皆實以玄酒

其樽皆設于壇上東南隅北向西上

樽皆加勺鬯有坩以置爵

岳鎮祝文維某年歲次月朔日子嗣天子某謹遣某

官姓名敢昭告于東岳岱宗天齊王舊亦誤作齊天
王今依上文例

正之

諸岳鎮各隨本方位

惟神贊養萬品作鎮一方式因春始

南岳云夏始中岳云季夏西岳云秋始北岳云冬
始是也

謹以玉帛犧齊菜盛庶品明薦于東岳岱宗尚饗

海瀆祝文維某年歲次月朔日子嗣皇帝某敢昭薦

官姓名敢昭告于東瀆大淮長源公

諸海瀆各隨本方位號

惟神源流深矣潛潤溥洽阜成百穀疏滌三川青春

伊始用遵典秩

南瀆大江云惟神總納大川朝宗巨海功昭潤化

德表靈

舊誤聖依
通典正

長敬因夏首修其恆禮西瀆大

河云惟神上通雲漢光啟圖書分導

舊誤尊依
通典正九

枝旁潤千里素秋戒

舊誤式依
通典正

序用率典常北瀆

大濟云惟神泉源清潔浸被

一作波按
通典作彼

遐遠播通

四氣作紀一方玄冬肇節聿修典制四海文云惟

神包乾蓄坤泉靈是宅含形內靜引納百川式纂

寶圖永遵恆禮也

謹以玉帛犧齊粢盛庶品明薦于神尚饗

大唐郊祀錄卷第八

大唐郊祀錄卷第九

享禮一

薦獻太清宮

薦享太廟

德明興聖讓皇帝廟

薦獻太清宮

每歲四時孟月及臘五薦獻大聖祖高上大道金闕

玄元天皇大帝太清宮

臣涇案開元禮無此薦獻之文玄宗開元二十九

年正月己丑

舊誤丁丑致通鑑目錄是月癸未朔無丁丑今依舊志正玉海又作丁酉

詔兩京及諸州各置玄元皇帝廟列生徒習道經

閏四月上夢京城南終南山趾有天尊石像發使

求之得於盤屋樓觀之側至天寶元年正月癸丑

陳王府參軍田同秀稱于京師永昌坊街空中見

依舊志補

玄元皇帝以天下太平聖壽無疆之言以奏

上云桃林縣故關

舊誤門一誤開依舊志正

令尹喜宅傍有靈

寶符遣使求之是月十七日獻于含元殿於是置

玄元廟于太甯坊洛陽於積善坊至九月兩京玄

元廟

三字舊只玄廟二字一本誤立廟二字依舊志補正

改為太上玄元皇

帝宮天下准此至二年正月景辰又加大聖祖三

字三月上親謁焉十三年又累加尊謚令

一作命有

司每至孟月則修薦獻行香之禮至今為恆式也

石像大聖祖真容當宸南向坐衣以王者袞冕之服

以繒綵珠玉為之玄宗肅宗真容侍立于左右皆衣

以通天冠絳紗袍

案太清宮初成詔令工人於太白山

依舊志補

採白石

為真像後又列玄宗肅宗真容於左右若生之禮

焉今上在位四時有事郊廟皆先朝謁令道士洒
掃焚香先導

其宮長安在太甯坊洛陽在積善坊宮垣連接松竹
交密象仙居焉東西及南面各開一門東方坊舊誤曰

九雲門南方曰瓊華門西方曰三清門每門各二十
四戟其殿十一間四注前後面各兩階東西各側階

一各字一在側階下

其御齋院在宮之東從朝獻公卿以下

齋院在宮之西道士亦雜居其間房院委曲難可殫
論右薦獻之饌皆以素味精潔之物三獻行上香之

禮其拜跪之節亦參於郊廟之儀

自天寶已來行事官皆行三稽首之禮太尉一獻

而止今上

二字舊脫

在位興元元年十二月十九日詔

加太常卿亞上香光祿卿終上香改三拜禮二字

為再拜也

其中告薦之文曰青

舊誤清依翰苑羣書正詞

案開元二十九年初置太清宮有司草議用祝策

以行事天寶四載四月甲辰詔以非事生之禮遂

停用祝版而改青

舊誤清

詞書於青紙上因名之自

此以來為恆禮矣

前一日內撰中使奉送官所臘則兼奏其年祥瑞臘

享太廟亦如之

樂章

開元中御製

降神奏煌煌之樂一章黃鍾宮

煌煌道宮肅肅太清禮光尊祖樂備充庭罄竭誠至

希夷降靈雲凝翠蓋風皎虹旌衆真以從九奏初迎

永為休佑是錫和平光舊誤先竭舊誤謁真舊誤貞奏舊誤重祐舊誤裙一誤祥並

依全唐詩正

登歌發鑪舊誤鑪依全唐詩正奏冲和大呂宮

虛無結思鐘磬和音歌以頌德香以達心禮殊裸鬯

義感昭臨雲車至止慶垂悃悃虛舊誤靈鐘磬舊誤聲磬感舊誤敢雲舊

誤靈並依全唐詩正

登歌奏初上香大呂宮

肅肅我祖玄玄道宗至感潛達靈心暗通雲輶御氣

芝蓋隨風四時禮祀萬國來同

登歌奏再上香大呂宮

李玄暉作絲絲

重玄郭樂府作增消

臧作無射羽

仙宗纘全唐詩作績道我李承天慶深虛極符光象先俗

登仁壽化闡重玄五千貽範億萬斯年

登歌奏終上香大呂宮

不宰玄功無為上聖洪源長發誕受天命金奏迎真

璇宮展敬備禮用樂垂光儲慶受舊誤壽依全唐詩正

上香畢奏紫極之舞并序黃鍾宮

至道生元氣重圓法混成無為觀大象沖用體常名

仙樂臨丹闕雲車出玉京靈符百代應瑞節九貞迎

寶運開皇極天臨鏡大清長垂一德慶永庇萬方甯

貞臧作真

生元二字舊倒圓法二字舊誤光發慶舊誤薦並依全唐詩正

入破第一首

真宗開妙理玄教統清虛化演無為日言昭有象初

瑤壇肅靈瑞金闕映仙居一奏日清樂長迴八景輿

真舊誤貞依全唐詩正

第二首

虛極元宗本希夷象帝先百靈朝太上萬祖法重玄

善貸惟沖德成功兆自然雲門達和氣思用合鈞天

虛雲二字舊並誤靈依全唐詩正

第三首

元符傳紫氣寶祚啟玄真道德先垂裕冲和已化瀆
人風齊太古天瑞叶惟新仙樂清都上長明交泰辰

真舊誤貞依
全唐詩正

登歌徹醮無射羽

嚴禋展事禮潔蒸嘗皇矣聖祖惟德馨香殷薦既徹

工歌載揚大來之慶降福穰穰工歌二字舊倒降舊
誤除並依全唐詩正

送僊奏真和真舊誤貞依
全唐詩正

玉磬含音金鑪既馥風馭泠泠雲壇肅肅香歸大象

霈流嘉福俾甯萬邦無思不服磬含香三字舊誤馨
合食馥舊誤復雲舊

誤靈並依
全唐詩正

薦享太廟

案禮記祭法云王立七廟曰考廟曰王考廟曰皇考

廟曰顯考廟曰祖考廟皆月祭之遠廟為祧有二祧

享嘗乃止鄭玄注王制云夏則五廟

無太祖禹與二昭二穆也

殷則六廟

契及湯與二昭二穆也臣涇案三字舊誤
臣案注殷太甲

為太宗太戊為中宗武丁為高宗昔周公為無逸
之戒舉依漢書韋玄成傳注殷三宗以勸成王繇是言之宗
無數也亦不在常廟之中明矣

周則七廟

太祖及文武二祧與親廟四也案鄭義以祧在七
廟之中王義以祧在七廟之外所解不同也

漢初廟祭悉不如禮

初高祖時天下郡縣皆立太上皇廟至惠帝尊高
皇為太祖廟景帝尊孝文為太宗廟嘗幸郡國各

立太祖太宗廟至宣帝尊孝武為世宗廟依韋玄成傳注

行所巡狩亦立焉凡祖宗之廟在郡國者玄成傳無此字

通典六十八合百六十七五字依玄成傳注所而京師自

高祖下至宣帝與太上皇悼皇考各自居後四字舊誤

各有所居陵五字依玄成傳注傍立廟總合百七十六所舊誤百

所依玄成傳正又園中各有寢便殿也

至元帝時貢禹始奏迭毀

禹奏古七廟孝惠孝景帝親盡宜毀及太上寢園

廢依玄成傳注而為虛矣

未施行而禹卒後有韋玄成等四十四人又奏毀廟
玄成等議以高帝為太祖其太上及孝惠孝文孝
景宜毀許嘉等奏尊孝文為太宗之廟尹更始等
以為孝宣之父悼皇考不應序於昭穆皆宜毀帝
重其事依違經年乃詔曰高帝受命為漢太祖孝
文功德為太宗代代不毀孝宣繼孝昭為義一體
則孝景及皇考皆親盡宜正禮儀玄成等奏曰高
帝為太祖居昭位孝文為太宗居穆位孝景又為
昭孝武又為穆孝五字舊誤宣俱為
三字依玄成傳正昭孝宣俱為

昭則皇考親未盡但太上及孝惠二廟親盡宜毀
其太上皇之主宜舊誤
宣瘞于園孝惠為穆主遷于
太祖之廟其寢園皆無復修也詔可

歲餘玄成等匡衡又議太祖位宜居中昭穆分左右
又奏太上皇主宜毀廢孝惠主藏於太祖廟帝久疾
上與楚舊誤梁依
玄成傳正王俱夢毀廟為祟遂又復諸毀廟
惟在郡國者皆廢之

元帝崩衡復奏毀園廟奏可成帝時復論廟園哀帝
時孔光何武請雜議

詔臧作奏

等臧作卒

劉歆引據春秋外傳祖禰則日祭高曾則月祀二
祧則時享壇墀則歲貢大禘則終王德威而流席
此親親之殺也彌遠則彌尊故禘乃重矣臣涇案
服虔曰蠻夷終王乃入助祭各以其珍貢以供大
禘之祭者也

光武中興祖宗又各立廟號

光武為世祖孝明為顯宗孝章為肅宗孝和為穆
宗孝安為恭宗十字依後漢書獻帝紀注補孝順為敬宗孝桓
為威宗皆不毀惟殤沖質皆以未踰年不列于廟

四時就陵上寢祭之二字依續漢書祭祀志補而已

魏采周官為七廟之制

明帝初都鄴惟立親廟四後遷居洛陽尚書令陳
矯等上言請依周法制七廟奏云大魏龍興武皇
帝撥亂濟人創開王業文皇帝應期受禪君臨萬

國陛下躬陶唐之欽明體有虞之蒸蒸神略越于

湯武思文過於周文云疑當複一云字明帝下詔曰朕不

德猥以眇身上承郊廟下統羣黎既無經濟之文
又無撥亂之武黔首不能綏八維莫以靜內有未

濟人臧作反正

身臧作躬

求其臧作米其

卜臧作知

擊壤之謳而邊城屢有狂之警

二句有脫誤疑內字上狂字下各脫

一雖外慮應征以喪衆內賦當代以殞軀

此二句亦疑有

誤字蓋未足謝責於天下也且夏啟周誦漢之太宗

彼三賢者朕猶累諸何言及武王乎覽此諸議不

可用求其謬矣

此句疑亦有脫誤

朕非敢修讓之細節以

壞政

二字舊誤為正

之大綱誠以為自卜者審進令廟祧

無虛褒

二字舊誤靈衰

之主退令度德有止足之分斯事

至大宜絕息此議可將大近規制六廟之度

此句疑亦

有脫誤

後又羣臣雜議而竟從七廟之法焉

晉亦如之

僕射刀

按古刀字只用刀一作刀非

協議晉初立

一作王

六廟後

又為七廟征西豫章潁州京兆宣帝景帝文帝至

武帝崩即遷征西矣今納懷帝主于廟遷潁川府

君故同堂為七室不得更加至于八也賀循云惠

懷兄弟者也

此句有脫誤

江左以後宋齊相承始受命之君皆立六廟虛太祖

之位宋武初為宋王立廟于彭城但祭高祖以下四

代其廟數迭遷則或七或五皆酌三代之文而為典

制隋文帝受命初立四親廟至大業元年煬帝欲遵周法營立七廟詔有司詳定屬遼東行役未建而隋亡謹案大唐開元禮每年四時孟月及臘五薦享于九廟

案劉歆云天子廟七者其正法常數宗不在此數五字依韋玄成傳補中又王肅云德厚者流澤廣天子可以祀六代之親廟若周之文武不在數中亦降殺以兩之義故我國家累聖丕繼開元中採而為制符德厚澤廣之義也

每三年一禘以孟冬五年一禘以舊誤孟夏遷主及未遷主皆合食焉

三年一閏天氣一作道下同小備五年再閏天氣大備故禘禘之數因而法焉白虎通云禘禘禘猶禘賈逵劉歆王肅皆以為禘禘二祭禮同而異名耳馬融則云禘大禘次之鄭玄云禘大于四時而小于禘引春秋禘于五宮禘于莊公漢儀以禘大而及毀主以禘小而不及之魏用王肅義也聖朝典制兼而行之奉獻祖宣皇帝居東向之位自下子孫

依昭穆羅列焉太祖不居乎殿中非舊典也

每禘祫之時功臣皆配享于當廟之中功臣下一行七祀二字蓋

校者不知下有脱文一葉在兩注之間故妄增此二字其實七祀不可言祀配享也

案周禮凡大烝有功者名書於王之太常祭于大

烝司勳詔之馬融注云烝夏祭也臣有功德者則

書其功於司勳一作司馬按文氣未畢此下尚有

革及唐時配享諸臣姓名詳在文獻通攷今不敢輒補

春享則兼祭司命及戶夏享兼祭竈季夏之月祭中

雷秋享兼祭門及厲冬享兼祭行臘享及禘祫則七

祀徧祭皆于太廟之西門內之南五十三字舊脱依六典補

案祭法王為羣姓立七祀曰司命曰中雷曰國門

曰國行曰太厲曰戶曰竈鄭玄云司命主督察三

命中雷主堂室居處門戶主出入行主道路行作

厲主殺罰竈主飲食之事春祀司命及戶者司命

七十六字舊脱今依體例補入為主察人之性命以人為先故也

戶人之出入所始春亦萬物之始生觸戶而出故

亦為陽氣之故欲留之也夏祭竈者竈主飲食養

人火又是陽氣以夏之長萬物故祭之也季夏祭

中雷者中雷土神象土之王中宮故也六月祭者象土位在中央也禮云家主中雷是也秋祀門及厲者門亦是出入所由秋時萬物成熟將納之從外而入故也亦欲留陰氣故祭之厲主殺罰象秋氣殺也冬祀行者行主道路往還冬日之時是陰陽往還之始終也禘祫而徧之大祭故也

其廟長安在子城安上門內道東宮垣四面各依方色面各一屋三門每門各列二十四戟華飾連以浮

思焉舊衍果思二字蓋校者注果思于浮思之旁傳寫誤入正文也其廟三分宮之

一近北面南九廟皆同殿異室其制一十九間四柱

東西夾室各一前後面各三階東西各二側階右時

享春夏舊誤秋依通典正每室雞彝一鳥彝一犧樽二象樽

二山罍二秋冬各用罍彝一黃彝一著樽二壺樽二

山罍二皆加勺幕皆西上各有坫焉以置瓚爵

雞彝及罍彝犧樽象樽著樽壺樽之上樽皆實以

明水山罍之上樽實以玄酒鳥彝黃彝實以鬱鬯

犧樽著樽實以醴齊象樽壺樽實以盎齊山罍實

以清酒臣涇案周禮宗伯鬱人掌裸器鄭玄云裸

器謂舊誤鳥依彝及舟與瓚也又司樽彝云春祠

夏禴裸周雞彝鳥彝皆有舟其朝踐用兩犧樽其

再獻用兩象樽皆有罍秋嘗冬烝裸用罍彝黃彝

皆有舟其朝獻用兩著樽其饋獻用兩壺樽皆有

罍注云裸謂以圭瓚酌鬱鬯始獻尸也郊特牲云

周人尚臭灌用鬯臭鬱合鬯臭陰達於凝一校改

人避諱以凝泉灌以圭瓚舊誤用玉氣也既灌然

後迎牲致陰氣也雞彝鳥彝皆刻而畫之為雞鳳

凰之形犧樽飾以牛或曰以鳳羽飾之八字舊誤

翡翠二字

依卷象樽飾以象舊衍鳳凰二或曰以象骨飾之

四正字依卷西刪

學讀為稼稼彝畫禾稼也黃彝黃目樽也明堂位

云夏后氏以雞彝殷以罍周以黃目著樽者著地

無足也壺樽者以壺為樽也山罍刻而畫之為山

雲之形今國家皆備三王之禮而用之犧樽飾以

犧樽牛形象樽飾以象形舊誤骨按飾以象骨亦

如之用王肅之義

若祫享則設罍彝一黃彝一犧樽二象樽二著樽二

壺樽二太樽二三字舊脫山罍二

山罍下藏有亦字

畢彝及五齊之上樽皆實以明水山罍之上樽舊

皆實以玄酒黃彝實以鬱鬯犧樽實以泛舊誤沈

正齊象樽實以醴齊著樽實以盎齊壺樽實以醢

齊太樽實以沈齊山罍實以三酒臣涇案鄭注宗

伯司樽彝云凡酒惟大事于太廟備五齊三酒也

故聖朝禘祫皆禮備焉

禘饗用雞彝一鳥彝一其餘並如祫禮

實樽亦如之

上祀及功臣配享各壺樽二正文十一字及注

四字並依新志補

實以醴齊

時享祝文維某年歲次月朔日子孝曾孫皇帝臣某

案曲禮云內事曰孝王某廟內事故稱孝

敢昭薦于太祖景皇帝祖妣景烈皇后梁氏氣序流

邁時惟孟春

夏秋冬各隨事言之

永懷罔極伏增遠感謹以一元大武柔毛剛鬣明粢

薌合薌萁嘉蔬嘉薦醴齊敬修時享以申追慕尚饗

二字依
通典補

臘享文 舊衍首字

首准上文

肅承靈佑錫茲介福時和年登率遵彝典謹以一元
大武柔毛剛鬣明粢鄉合鄉其嘉蔬嘉薦醴齊虔恭
齊肅備茲清祀尚饗

禘 舊誤禘依通典正 享文

享及遷主獻祖懿祖代祖三廟也

維某年歲次月朔日子孝曾孫皇帝某敢昭薦于獻
祖宣皇帝祖妣宣莊皇后張氏晷度環周歲序云及

永懷追慕伏增遠感謹以一元大武柔毛剛鬣明粢

鄉合鄉其嘉蔬嘉薦泛 舊誤沈 齊肅雍明獻恭備禘享

禘云祇薦禘事

尚饗

廟號謚號

獻祖宣皇帝祖妣宣莊皇后張氏

懿祖光皇帝祖妣光懿皇后賈氏

太祖景皇帝祖妣景烈皇后梁氏

代祖元皇帝祖妣元貞皇后獨孤氏

高祖神堯大聖大光孝皇帝祖妣太穆順聖皇后竇氏

太宗文武大聖大廣孝皇帝祖妣文德順聖皇后長孫氏

高宗天皇大聖大弘孝皇帝祖妣則天順聖皇后武氏

高伯祖中宗大和大聖大昭孝皇帝高伯祖妣和思順聖皇后趙氏

高祖睿宗玄貞大聖大興孝皇帝高祖妣肅明舊誤昭成

依全書正順聖皇后劉氏昭成順聖四字舊誤曾祖皇后

竇氏

曾祖玄宗至道大聖大明孝皇帝曾祖妣元獻皇后楊氏

右以前祝文並稱孝曾孫太祖以下稱臣

祖肅宗文明大聖大宣孝皇帝祖妣章敬皇后吳氏

右稱孝孫

皇孝代宗睿文孝武皇帝皇妣睿貞皇后沈氏

右稱孝子

祖臧作皇祖又文明下有武德二字

其文並同用

准開元禮禘祫太祖稱臣以下直稱孝曾孫臣某

此注有脫誤

德宗神武孝文皇帝昭德皇后王氏按此條後人所增

貞元癸未歲夏四月景武遷獻祖懿神祖主于興

聖廟此注亦不類元文且與前文無當蓋亦後人所附

七祀祝文維某年歲次月朔日子皇帝遣具位姓名

敢昭告于司命三陽照物四序惟始

戶云時惟歲首升陽贊滯竈云時惟夏始盛陽作

統門云時惟孟秋升陰紀物厲云時屬實沈二字舊誤

沈齊依通典正氣序方肅行云時惟冬首盛陰作紀也

式遵常禮謹以犧齊粢盛庶品

中雷云賴茲保養旺庶以安式荷神功祇循常禮

謹以特牲鄉合鄉其嘉蔬嘉薦醴齊也

明薦於神尚饗

臘享及禘祫徧七祀文

首同上文

敢昭告于司命戶竈中雷門厲行今時和年豐式遵

常禮謹以犧齊粢盛庶品明薦于司命戶竈中雷門
厲行尚饗

樂章

臧作臣漫案

臣案毛詩商頌云嗟嗟烈祖有秩斯祜又周頌有
臣工載見武奏按詩序云武奏大武也故連奏字引之振鷺等之什
皆歌宗廟之詩也昔漢代大宛得千里馬作歌以
詠之汲黯曰凡王者作樂上以詠祖宗下以化兆
民今陛下得馬詩以為歌協于宗廟先帝百姓豈
知其意耶此蓋承秦滅學之後事失其本耳皇朝

典制乘殷周之盛儀革陳隋之弊俗其所歌之章

皆述祖宗之徽烈二字舊誤微烈一誤嶽裂詠功德之所由興

臣考尋先典未有如斯之美舊誤也

迎神奏永和之舞九變黃鍾宮三奏大呂角太簇徵
應鍾羽各二奏

第一奏

肅九室諧八音歌皇慕動神心禮宿設樂妙尋馨香

備裸奠臨慕舊誤謨依舊志正

第二奏

荅孫按馨香備唐文粹作
聲明格

臧云郭本永和第三
與此異此第三奏郭作大

和舊書同

唐文粹永和之樂三章首

章與第一奏同二三章與

此異

此第三志文粹作皇帝行

太和之樂一章

元闕臣陳致雍補

說祝於室燭蕭然脂几筵斯設妥以皇詩雲韶清越
絳仗離披儼然如此孝感永思

第三奏黃鍾宮

時文聖后清廟肅雍致誠勤孝在貌思恭玉節肆夏

金鏘五鐘烝烝雲步穆穆天容

貌舊誤見
依舊志正

皇帝盥手奏文舞曲一章黃鍾宮

聖謨九德真言五千慶積昌胤符開帝先高文杖鉞
克配彼天三宗握鏡六合煥然帝其承祀率禮罔愆

圖書霧出日月清懸舞形象類詠念公傳黃龍蜿蜒

彩雲踟躕五行氣順八佾風宣介此百福於皇萬年

鉞舊誤越祀舊誤嗣愆舊誤儻舊誤務
舞舊誤武佾舊誤膚一誤徵並依舊志正

登歌奏肅和無射羽

天子孝饗工歌溥將躬裸鬱鬯乃蒸臂薌臭以達陰

聲以求陽奉時烝嘗永代不忘

溥舊誤傳躬舊誤射
並依舊志正蒸舊誤

藝舊志作
焚亦非

迎俎奏雍和

詞同昊天

文粹與舊志同

退文迎武奏舒和

詞同昊天

亞獻終獻奏凱安

亦同

獻祖廟一作酌獻奏光大之舞無射羽

肅肅藝祖滔滔濬源有雄玉劍作鎮金門玄王貽緒

后稷謀孫肇禋九廟四海來尊

懿祖廟酌獻奏長發之舞黃鍾宮

具禮崇德備樂承風魏推幢主周贈司空不行而至

文粹作文王餘緒

無成有終神與王業天歸帝功

太祖廟酌獻奏

舊行入依舊志刪

大政之舞太簇宮

於赫元命權輿帝文天齊八柱地半三分宗廟觀德

笙鏞樂勳封唐之兆成天下君

半舊誤平依舊志正

代祖廟酌獻奏大成之舞姑洗宮

成舊誤政依舊卷二正

帝符季歷襲聖生昌后歌有蟠胎炎孕黃天地合德

日月齊光肅雍孝享祚我萬方

符舊誤舞依全唐詩正舊志亦誤

高祖廟酌獻奏大明之舞蕤賓宮

大舊誤文依舊卷二正

赤精亂德四海困窮黃旗舉義三靈會同早望春雨

文粹符作舞蟠作燭黃作皇

文粹與舊志同

雲披大風溥天來祭高祖之功早舊誤早雲舊誤靈並依舊志正

太宗廟酌獻奏崇德之舞夷則宮三字依六典補

皇合一德朝宗百神削平天下大拯生人上帝配食

單于入臣戎歌陣舞眩眩振振大拯二字舊誤太極配舊誤酌並依舊志

正

高宗廟酌獻奏鈞天之舞黃鍾宮

皇帝邁道端拱無為化懷獯鬻兵戢句驪禮尊封禪

樂盛來儀合位媯后同稱伏羲媯舊誤媯依舊志正

中宗廟酌獻奏文和之舞太簇宮

文粹與舊志同

文粹章作典友作反粹作禧

退居江水鬱起丹陵禮物還舊朝章中興龍圖友及

駿命恭膺鳴球香瓊大禧是承江舊誤山友舊誤反並依舊志正

睿宗廟酌獻奏景雲之舞黃鍾宮三字依六典補

景雲霏爛告我帝符噫帝冲德與天為徒笙鏞遙遠

俎豆虛無春秋孝獻迴復此都霏爛二字舊誤飛蘭虛舊誤靈並依舊志

正

玄宗廟酌獻奏廣運之舞太簇宮

於赫皇祖昭明有融惟文之德惟武之功河海靜謐

車書混同虔恭孝享穆穆玄風

文粹注郭子儀

文粹迴作因

文粹注云劉晏

肅宗廟酌獻奏惟新之舞夷則宮

文粹作運馳作驅

漢祚惟永神功中興風馳氛祲天覆黎蒸三光再朗

庶績其凝重熙累葉景命是膺功舊誤宮依舊志唐文粹正

文粹注云郭子儀

代宗廟酌獻奏保大之舞姑洗宮

文粹肅作蕭弘作光將作王

於穆文考聖神昭彰肅勺羣慝含弘遠方萬物茂遂

九夷賓將悃悃雲韶德音不忘肅舊誤蕭依舊志正

皇帝飲福奏福和黃鍾宮

備禮用樂崇親致尊誠通慈降敬徹愛存獻懷稱壽

啐感承恩皇帝孝德子孫千億大包天域長互不極

文粹與舊志同

承恩二字舊誤丞思一誤永亨依舊志正大包以下八字舊脫依舊志補

登歌徹豆無射羽

止笙磬徹豆籩廓無響宵又玄主在室神在天情餘

文粹與舊志同

慕禮罔愆嘉黍稷屢豐年廓舊誤廟愆舊誤僭並依舊志正

送神

眇嘉樂援靈爽感若來思如往休氣散迴風上返寂

文粹散作息靈作虛

冥還惚恍懷靈駕結空想

德宗廟奏文明之舞黃鍾宮自此以下皆後人所附故在送神之後

開郊除暴時邁勛尊三元告命四極駿奔金枝翠葉

正 輝燭瑤琨象德億載貽慶湯孫元舊誤九貽慶二字舊誤慶移並依舊志

文粹以此章為德宗廟文明之舞注云鄭細

順宗廟一作室奏大順之舞太簇宮

鎮文粹作震

於穆時文受天明命允恭玄默化成理定出鎮嗣德應乾傳聖猗歟緝熙千億流慶

文粹注云段文昌

憲宗廟酌獻奏象德之舞

肅肅清廟登顯至德澤周八荒兵定四極生物咸遂

羣盜滅息明聖繼承子孫千億

穆宗廟奏和甯之舞

湜湜頡頏融昭德輝不紐不舒貫成九圍武烈文經

敷施當宜纂堯付啟億萬熙熙紐舊誤細一誤思宜舊誤直並依全唐詩

正

敬宗廟奏

本詞元闕

四字舊誤本元開時一誤本開元時今依體例正

大閩國太常

博士張連撰添二首

按此為十國王闕時人羸入之證

大孝顯慶景運應時德合天地威戢蠻夷神呈福祉

歲有經祇無私之禮

按此篇為他書所不載脫去一句無從校補歲有經祇句亦必

有誤祇一

誤怳尤誤

文宗廟奏

張連

赫爾昭代顯應元享祥符史牒德振文明風調雨順
海晏河清慶延大寶千秋化成

武宗廟奏

武舊誤代依
全唐詩正

李回

舊誤季四依
全唐詩正

受天明命敷祐下土化成以儉衛文以武氛清夷夏

俗臻往古億萬斯年形于律呂

清夷二字舊倒作夷
清俗舊誤裕依全唐

正詩

宣宗廟奏

宣舊誤立依
全唐詩正

夏侯孜

於鑠令主聖祚重昌興起教義申明典章俗尚素朴
人皆樂康積德可報流慶無疆

懿宗廟奏

聖祚無疆慶傳樂章金枝繁茂玉葉延長海瀆常晏
波濤不揚汪汪美化垂範令王

今舊誤金依
全唐詩正

德明皇帝興聖皇帝讓皇帝等廟

玄宗天寶三年制追尊

二字舊
誤造尊

遠祖皋陶為德明皇

帝一十一代祖涼武昭王為興聖皇帝至十一載令
 有司修廟宇於京城西南隅安化門內道西二帝神
 主同殿異室殿屋西間四注前面階二東西各側階
 一高四尺周以垣宮南面一屋三門西面一屋一門
 初令有司每歲四孟月享祭又開元二十九年制冊
 甯王為讓皇帝詔曰立德立名斯為不朽惟王事迹
 身舊誤有依舊沒讓存令有司備禮冊命禮舊誤行
書本傳正又脫冊命
二字依舊天寶三年創其廟於京城東南隅如德明
傳補正廟之制恭皇后元氏同祔焉二字舊亦令每歲四時

享薦至寶應二年禮儀使杜鴻漸奏請前件廟等停
 四時享獻每至禘祫之月則一祭焉樂用登歌一奏
 牲獻樽俎之禮同太廟一室之儀

德明祝文維某年歲次月朔日子孝曾孫皇帝臣某

按太廟篇注云太祖以下稱臣此文臣字疑衍謹遣攝太尉封臣某姓名敢

昭薦于德明皇帝惟克明九德式序五刑帝系厥初
 邁慶惟永晷度環次祗率舊章謹以一元大武柔毛

剛鬣明粢薌合薌其嘉疏嘉薦醴齊肅雍明獻尚饗

薌合二字今補

興聖祝文

首尾並同德明之文

興聖皇帝惟炳靈天造兆先帝圖積德本邦流慶後
葉畧度環次

讓皇帝文

首同德明惟改太尉文云遣某官名也

曾伯祖讓皇帝曾伯祖妣恭皇后元氏畧度環次歲
序云及永懷罔極伏增遠感謹以一元大武柔毛剛
鬣明采薌合薌其嘉疏嘉薦醴齊敬修大亨以申追

感尚饗

樂章

其詞元闕常享之時借太廟樂詞用之至貞舊誤

元六年五月二十四日詔吏部侍郎李紆補之

迎神

同一首

元尊九德佐堯光宅烈祖太宗方周作伯享懷霜露

樂變金石白雲清風鬣鬣來格宗舊誤祖周舊誤同

正詩

奠幣登歌

同一首

四時有典百事來祭尊祖奉宗嚴禮大帝禮先蒼璧
奠備玄制於萬斯年熙成帝系

典舊誤奠奉舊誤尊
禮舊誤禎並依全唐

正詩

迎俎

同一首

盛牲實俎涓選休成鼎燧陽燧玉盥陰精有秘嘉豆

既和太羹侑以清樂細齊人情

玉盥舊誤王與
依全唐詩正

德明廟清獻

清廟奕奕和樂雍雍器尊犧象禮屬宗功玄水方裸

黃流在中謨明之德萬古清風

興聖廟酌獻

闕宮靜謐合樂周張泰尊始獻百末重觴震澹存誠

庶幾禘嘗遙源之祚天漢靈長

闕舊誤闕末舊誤
味並依全唐詩正

亞獻終獻

同一首

惟清惟肅靡聞靡見舉備九成俛終三獻慶章曼壽

昨徹嘉薦瘞玉埋牲禮伸斯徧昨舊誤昨依全唐詩正

送神

同一首一作篇

玄精迴覆靈貺繁滋風灑蘭輅雲搖桂旗高邱緬邈

涼部逶遲瞻望靡及纏絲永思灑舊誤麗邱舊誤立部舊誤羣並依全唐

詩正

讓皇廟六首

迎神

皇矣玄宗德光王季因心則友克讓以位爰命有司

張云樂府玄作天光作先

式遵前志神其降鑒照臨祀事遵舊誤尊依全唐詩正

奠幣登歌

惟帝時若去而上仙祀同殷武樂備宮懸白璧加薦

玄纁告虔子孫拜後承茲吉蠲纁舊誤勳依全唐詩正

迎俎

祀殷體薦禮協粢盛方周假廟用魯純牲捧徹祇敬

擊拊和鳴受釐歸昨既戒而平體舊誤禮徹舊誤撤擊拊舊誤繫附並依

全唐詩正

酌獻

八音具舉三壽既盥潔茲宗彝瑟彼圭瓚蘭肴重錯
椒醑飄散降祚維城永為藩翰瓚舊誤薦城舊誤成並依全唐詩正
亞獻終獻

秩禮有序和音既同九儀不忒三揖將終孝感藩后
相惟辟公四時之典永永無窮

送神

奠獻已了昏昕載分風搖雨散靈衛綢緼龍駕帝服
上騰五雲泮宮復闕寂寞無聞

大唐郊祀錄卷第九

張云了字不文疑從樂府
詩集作事乃草書作了因
謫為了耳

